

# Kilè pou Rele Doktè a



Ou ka pa vle rele doktè swen pedyatrik prensipal pitit ou a sof si gen yon ijans medikal ki evidan. Si w santi w estrese pou w poze kesyon oswa pou w pale de enkyetid ou genyen yo, ou pa poukont ou. Ou petèt gen enpresyon ke w pa ta dwe "anbete pwofesyonèl swen pitit ou a oswa pèsone biwo a avèk apèl telefonik." Men li nòmal pou gen enkyetid sou maladi oswa devlopman pitit ou a. Mande èd ak enfòmasyon se siy ke w se yon bon paran.



## MEN KÈK BAGAY POU REFLECHI SOU YO

- **Poze pwofesyonèl swen w nan kesyon sou politik yo a.** Ki meyè fason ki genyen pou kontakte yon moun nan aswè oswa lèwikenn? Espesyalis HealthSteps ou a ap fè w konnen tou kijan ou ka kontakte yo ant vizit yo. Afiche nimewo yo lakay ou kote ou ka wè yo. Alòs ou ka jwenn konsèy apre orè biwo yo si ou bezwen sa.
- **Konnen politik konpayi asirans ou an genyen pou jesyon ijans medikal.** Si w pa sèten si ou ta dwe ale nan Sal Ijans (blesi ki grav, emoraji, timoun ki pèdi konesans), ou ka rele pwofesyonèl swen w nan pou jwenn konsèy anvan ou ale lopital la. Ou ka reflechi pou ale nan yon etablisman swen pou ijans tou.
- **Li pi bon pou poze kesyon epi pou jwenn repons.** Apresa wap gen mwens enkyetid. Pa gen pwoblèm si w diskite sou opsyon yo. Konsa ou ka fè pi bon chwa pou pitit ou ak fanmi an.

## OU TA DWE RELE PWOFESEYONÈL SWEN W NAN SI TIBEBE W LA

- Gen yon lafyèv ki depase 100.4 degre.
- Gen dyare ki fè l fè tata de oswa plizyè fwa (diferan parapò ak kantite fwa tibebe w la fè tata nòmalman).

- Gen san nan tata l oswa konstipe (pa fè tata pandan plis pase yon semèn oswa tata yo di).
- Lap "pwojte vomi." (Vomi ki ale byen lwen.)
- Gen difikilte pou respire. Ap touse.
- Refize pran plizyè seyans alètman youn apre lòt. Manje mal. Esoufle lè lap tete.
- Mouye mwens pase de daypè pa jou. Gen bouch li ki parèt sèch.
- Montre gwo chanjman nan konpòtman oswa imè l.
- Gen difikilte pou li reveye. Ap kabicha oswa lage kò l yon fason ki pa nòmal.
- Gen lonbrit oswa peni l ki sansib, wouj oswa ki anfle. (Petèt sa yo se siy enfeksyon.)
- Gen yon bon tan depi l ap kriye anpil. Gen difikilte pou li konsole.
- Ap konpòte l yon fason ki diferan ke dabitid.
- Parèt anòmal pou ou oswa li gen yon iritasyon po oswa woujè.
- Gen lòt sentom ki enkyetan.



Toujou rele si ou gen sansasyon ke gen yon bagay ki pa nòmal.

